

# Hebreeuws

Van Wikipedia

Dit artikel is gesjreve (of begós) in 't Mestreechs. Laes hie wie v'r mit de versjillende saorte Limburgs ómgaoen.

't **Hebreeuws** is 'n Semitische taol die in Israël door zoe 8 miljoen minse gesproke weurt en sterk geassocieerd weurt mèt de Joede en 't Joededom. De taol woort ouch in 't aw Israël al gesproke en 't groetste deil vaan 't Aw Testamint (Hebreeuws *Talmoes*) is in dees taol gesjreve. Al laank voor 't begin vaan de jaortelling moot de taoloetgestorve zien; in d'n tied vaan Zjezus Christus waor Aramees de volktaol in Palestina. In de Joedse erediens en in de kabbalistiek bleef 't 'n cultuurtaol. Mèt d'n opkums vaan 't zionisme eind negentiende iew woort 't es spreektaol nui tot leve gebrach; allewijl is 't ein vaan de twie officieel taole vaan Israël en moot edere Joedse immigrant Hebreeuws liere. Me verdeilt de taol in drei periodes onder: *Archaïsch Hebreeuws* (veural oet sjerne bekind), *Klassiek Hebreeuws* of *Biebels Hebreeuws* (in de Joedse bleujtied es volkstaol en daonao es cultuurtaol) en *Modern Hebreeuws* of *Ivriet* (vaanaof 1900). 't Archaïsch Hebreeuws kint, wie 't Arabisch, nog drei naomvalle. 't Ivriet ondersjeit ziech door 't samevalle vaan e paar klaanke (die veur vööl nui lierders lesteg waore) en hiel vööl nui wäörd, die in de Biebel neet bekind zien.

עברית

'ivriet ; Hebreeuws in 't Hebreeuws



Hebreeuws Straotnaombördsje  
vaan Opsterland (Friesland) in  
Ra'anana

't Jiddisch kint vööl Hebreeuwse leinwäörd. Op orthodox-protestantse gymnasia in Nederland kin me Hebreeuws liere.

## Kinmerke

't Hebreeuws weurt, sjus wie aander semitische taole, vaan rechts naor links gesjreve, en gebruik 't Hebreeuwse alfabet (aoch wel 't aleph-bet genump). 't Aleph-bet besteit oet 22 lètters, die eeder 'ne consonant (medeklinker) vertegewoordige. In 't Hebreeuws sjreif me daan aoch eigelek geijn klinkers. Einige lètters höbbe 'ne "sofiet"-vörm, die allein veurkeump aon 't eind vaan e woord. 'T Hebreeuwse aleph-bet is hejoonder te vinde.

Hebreeuwse lètter	Naom	Oetspraak
א	Alef	- (stil)
ב	Bet	B
ג	Gimmel	G (wie in 't Èngels of Duits)
ד	Dalet	D
ה	Hej	H
ו	Vav	V/W
ז	Zajin	Z
ח	Chet	Ch/G (wie in 't Hollands)
ט	Tet	T
י	Joed	J
כ	Kaf/Kaf sofiet	K of CH/G (wie in't Hollands)
ל	Lamed	L
מ	Mem/Mem sofiet	M
נ	Noen/Noen sofiet	N
ס	Samech	S
ע	Ajin	- (stil)
פ	Pej/Pej sofiet	P/F
צ	Tsadi/Tsadi sofiet	TS
ק	Koef	K
ר	Resj	R
ש	Sjien/Sien	SJ/S
ת	Tav	T

## Geschiedenis

---

## Extern linke

---

- [Wikipedia op 't Hebreeuws \(https://he.wikipedia.org/\)](https://he.wikipedia.org/)
  - [Hebreeuwse Academie \(http://www.hebrew-academy.huji.ac.il/english.html\)](http://www.hebrew-academy.huji.ac.il/english.html)
- 

Aafkomstig van Wikipedia, de Vrië Encyclopedie. "<https://li.wikipedia.org/w/index.php?title=Hebreeuws&oldid=369358>"

---

**Dees pazjena is 't lèts verangerd op 24 mrt 2015, 22:09.**

De teks is besjikbaar ónger de [Creative Commons Naomsvermelding/Geliek Deile licentie](#). 't Is mäögelik dat aanvöllende veurwaarde van toëpassing zeen. Betrach de [Algemein veurwaarde](#) veur mie informatie.